

'e ehohanva to nivunu ho soesoha

hicu ci nivunu osinana la teyai e puhpungu, mo n'anoylulu ci hicu, na lasi afu'a miya ho p'ecihi ci fuengu, te na 'acini yuusku ho cu poneo. e hicu ci nivunu, mo titho to miyapo ho poa yansou namo yuso ci yatatiskova, e mo yuso ci yatatiskova zou 'atuyunu maameoi ta cou'atoana, mosocula maica ho au'suhcu botngongu e yatatiskova ta cou.

e hicu ci nivunu mo mani'i na osila p'acohinvneni ta cou ci 'a'ausuna maito no poa cohifneni o te peela ana ci tonu'u, p'acohivi yaa fou yaa yosuku, yaeza p'acohivi moyoyai yungku, apungu, mo mav'ov'o ci la titita ci macucuma. isi aiti to hicu ci nivunu lac'u otngaso e cou, isicu eototaveya e cou ho yainca temucula yontane'e, 'ko'koben e hosa ta tfuya, a osi la 'esfuta ho poa yoneni no cou to hicu ci nivunu, 'avinano mo conci meoino f'atu o osi p'ecihi to nivunu ho yainca, "temula talua e capueni" aepungu eutotavei, mohcu mongoi ta yatatiskova o hicu ci nivunu.

mohcu la noan'ao mo ho 'ivaho esimi ta yatatiskova o hicu ci nivunu, mo ya fiho ci hicu soesoha, e soesoha mo nana nongonongo ho m'apapaki'i ci hicu, na lasi afu'a h'iyoa amos'a ahtu umunu na atotaveisi.

o hicu ci nivunu mo nana titho no conic fuesu ho az'ozasiano kavo'oe, mo mi'usnu no kavo'oe ho yaica, "teko poa ngacuncu na mo mafe ci emi", ihecu nana paavi no yatatiskova o kavo'oe ho aiti, mo nana a'umtu

ngancuncu na mo mafe ci emi, na hicu soesoha mo mici momaemaezo, mo tuocosu to nivunu, isinana yaica to nivunu, "a tekoc'ono mi'usnu to kavo'oe ho yainca teko poa ngancuncu na mo mafe ci emi". e hicu soesoha mo mici momaemaezo, manciso ekosu no macucuma ho mo coceconu isicu t'apayoa o tesi eenha ci 'e'e, mo siho tuocosu to nivunu a isi ahta talua nate pat'ausna, micu amzo 'ahupsonu o nivunu isi cu ataveya miusni o soesoha ho yainca, "a teko no mi'usnu to kavo'oe ho yainca teko poa ngancuncu na mo cai ci macucuma" o soesoha micu aumtu mi'usnu to kavo'oe ho 'engha o isi p'acohinvneni to nivunu, isicu paavi na kavo'oe ho aiti mo a'umtu ngancuncu namo cai ci macucuma.

concihie mosonana yupteulu o nivunu ho soesoha, e soesoha lasi aoka ucia kematmohi e nivunu, mo aasoe ma'e no feongo tesi akoevano poa m'e'eomunu to feongo e nivunu, a isis'a cohivi to nivunu na t'ot'ohungu ta soesoha, micu nana fiho to soesoha ho mo'usnu maica, micu esimi to feongo, e soesoha isi cu popeoha o nivunu poa s'uto feongo 'avinano mo mayo to meoino f'atu ho topicneni to feongo, o nivunu u noekotu to feongo, ataveisi micu yoho'u to buhci hopoa to'usnu, e nivunu, micu meelu moyafu to feongo, kokoeno e cou ala ana o fou to buhci.

nivunu 神 soesoha 神的故事

nivunu 是創造大地的神，祂創造兩個人類，教他們認識小米、打獵、捕魚及編織竹器具，在特富野的山上留下腳印就離開。過了很久 nivunu 神帶 soesoha 神回來，soesoha 是笨拙的惡神。有次 nivunu 捏碎穀粒丟到甕中：「你要裝滿美酒」甕果然裝滿美酒，soesoha 也想模仿，但該說的話，問了又忘，nivunu 覺得心煩就隨便回答：「向甕說要裝滿發霉的髒東西」soesoha 打開甕果然裝滿發霉的髒東西。有一天 soesoha 把 nivunu 推進洞，還用石頭蓋住洞口，nivunu 只好呼叫老鼠來幫忙，這也是鄒族人不吃鼠肉原因。